



Pou Piblikasyon Imedya: 22/01/2024

GOUVÈNÈ KATHY HOCHUL

**GOUVÈNÈ HOCHUL, LIDÈ MAJORITE SCHUMER AK LIDÈ JEFFRIES ANONSE
228 MILYON DOLANAN FINANSMAN FEDERAL POU LANSE PWOGGRAM
SIBVANSYON POU ENFRASTRIKTI MINISIPAL CONNECTALL NEW YORK LA
POU POTE FIB NAN DÈNYE KILOMÈT AK ENTÈNÈT WO DEBI NAN KAY YO NAN
KOMINOTE KI PA JWENN ASE SÈVIS YO ATRAVÈ EMPIRE STATE LA**

Pwogram Sibvansyon Eta ki finanse federalman – rive posib gras ak Plan Sekou Ameriken an ke Schumer te defann – pral bay sibvansyon bay Gouvènman lokal yo ak patnè prive yo pou nouvo konstriksyon fib ki prevwa konekte plizyè dizèn milye kay nan tout Eta a

Gouvènè a anonse tou finisman pwojè enfrastrikti minisipal 10 milyon dola ki konekte plis pase 3,000 kay nan reyon North Country ak reyon Southern Tier yo ak entènèt gwo vitès

Bati sou angajman 1 milya Gouvènè Hochul la pou entènèt abòdab, ekitab ak aksesib pou tout Nouyòkè yo atravè ConnectALL

Demann pou aplikasyon yo disponib [isit la](#)

Gouvènè Kathy Hochul, Lidè Majorite Sena Ameriken an Charles E. Schumer ak Lidè Demokratik Chanm Repräsentant yo Hakeem Jeffries te anonse jodi a ke Eta New York te resevwa 228.2 milyon dola nan finansman federal pou lanse Pwogram Enfrastrikti Minisipal ConnectALL New York la epi konekte plizyè dizèn milye kay nan tout eta a ak entènèt wo debi gwo vitès. Anplis de sa, Gouvènè Hochul te anonse finisman pwojè pilòt Enfrastrikti Minisipal New York la ki konekte plis pase 3,000 kay nan kat kominote nò eta a ak entènèt gwo vitès. Anons yo bati sou efò Gouvènè Hochul ak Lidè Majorite Schumer ap fè pou konekte tout Nouyòkè yo ak Entènèt gwo vitès, sitou nan zòn ki pagen sèvis oswa ki pa jwenn ase sèvis kounye a, epi ede Nouyòkè yo atravè eta a patisipe nan yon ekonomi 21èm syèk.

"Inisyativ ConnectALL New York la ap bay plizyè milye fanmi nan tout eta a entènèt gwo vitès, epi envestisman federal transfòmatif sa a pral ede nou kenbe plis Nouyòkè konekte", **Gouvènè Hochul te deklare.** "Aksè ak wo debi ki abòdab, ki fyab kenbe Nouyòkè yo nan travay, ekipe elèv nou yo, epi konekte fanmi yo ak benefis ak sèvis enpòtan, epi mwen remèsyé administrasyon Biden lan, Lidè Majorite Schumer, ak

delegasyon New York la pou patenarya yo nan misyon nou pou bay tout Nouyòkè yo zouti yo bezwen pou yo pwospere."

Lidè Majorite Sena a, Schumer, te deklare, "Plis 228 milyon dola sou wout ap soti nan men gouvènman federal yo pou ede kominote riral yo ak kominote ki pa gen as sèvis yo atravè New York enstale dènye km enfrastrikti wo debi ki nesesè pou ede plizyè milye kay finalman jwenn entènèt gwo vitès. Se fason sa nou ka fèmen divizyon dijital la nan Nò NY-- lè nou asire ke entènèt gwo vitès rive nan tout kwen eta a kèlkeswa kòd postal la. Wo debi se pa yon liks, se yon nesesite, yon sèvis publik ki enpòtan menm jan ak elektrisite pou siksè nan ekonomi modèn nou an pou asire moun ka rete konekte, gen aksè ak swen sante, travay, ak lekòl. Sa a se sèlman dènye nan plizyè santèn milyon dola nan finansman federal ki soti nan Plan Sekou Ameriken (American Rescue Plan, ARP) an ak Lwa sou Enfrastrikti & Travay Bilateral (Bipartisan Infrastructure & Jobs Law) k ap ede Empire State la dirije nasyon an nan fèmen divizyon dijital la. Mwen fyè pou m travay avèk Gouvènè Hochul pou ede pote dola federal sa yo pou ede pote yon Entènèt gwo vitès ki abòdab ak ekitab pou tout Nouyòkè yo."

Lidè Demokrat la, Hakeem Jeffries, te deklare, "Nan New York ak nan tout Etazini, gen twòp kominote ki pa gen ase resous ki pa gen kapasite pou konekte sou entènèt epi angaje ak fanmi, travay, lekòl ak telemedsin. Dènye Kongrè a, travay ak Prezidan Biden, Demokrat Chanm yo te adopte Plan Sekou Ameriken an, ki te sove ekonomi an anba yon gwo resesyon epi ki te adopte politik ki chanje anpil lavi. Apre sa, Demokrat yo te adopte Lwa sou Envestisman ak Travay nan Enfrastrikti a pou asire ke chak kominote nan tout peyi a gen aksè ak entènèt gwo vitès epi yo te envesti 65 milya dola pou elaji aksè wo debi. Mwen remèsyé Gouvènè Hochul, Lidè Schumer ak delegasyon Kongrè New York la pou travay yo fè nan pote entènèt gwo vitès bay chak Nouyòkè."

Sekretè Adjwen Trezò a, Wally Adeyemo, te deklare, "Pandemi an te boulvse lavi nou jan nou te konnen li epi li te ekspose gwo inegalite nan aksè ak entènèt gwo vitès ki abòdab ak fyab nan kominote yo atravè peyi a. Finansman sa a se yon pati enpòtan nan envestisman istorik Administrasyon Biden-Harris la pou ogmante aksè ak entènèt gwo vitès pou plizyè milyon Ameriken epi bay plis opòtinite pou patisipe ak fè konpetisyón totalman nan ekonomi 21èm syèk la."

Finansman pou Pwogram Enfrastrikti Minisipal ConnectALL la te akòde atravè Depatman Trezò Ameriken (U.S. Department of the Treasury) an nan kad [Fon Pwojè Kapital](#) (Capital Projects Fund) Plan Sekou Ameriken an – ki te defann pa Lidè Majorite a Schumer. ConnectALL pral bay sibvansyon pou antite publik, gouvènman lokal oswa Tribal yo, sèvis publik minisipal yo, kowoperativ sèvis publik yo, ak patnè sektè prive yo pou konstwi nouvo fib nan lokal yo pou plizyè dizèn milye pwopriyete nan tout eta a. Enfrastrikti wo debi nan Pwogram Enfrastrikti Minisipal la pral posede pa yon antite publik oswa kontwole publikman epi Founisè Sèvis Entènèt yo pral sèvi ak nouvo enfrastrikti wo debi a pou bay Nouyòkè yo opsyon sèvis abòdab ak kalite siperyè. Demann aplikasyon an disponib kounye a sou [sit entènèt ConnectALL la](#).

Envestisman transfòmatif la swiv finisman pwojè pilòt Enfrastrikti Minisipal yo, ki te demonstre benefis ki pote transfòmasyon rezo fib optik aksè lib ki posede piblikman. Plizyè founisè sèvis yo kapab itilize rezo aksè lib yo, sa ki pote chwa konsomatè yo nan zòn ki pa jwenn ase sèvi yo, epi pwopriyetè publik vle di enfrastrikti wo debi se yon sèvis publik debaz ki disponib pou tout kay nan kominote sa yo. Pwojè pilòt yo, ki te dirije pa Otorite Enèji New York (New York Power Authority, NYPA), te pwofite yon premye envestisman 10 milyon dola soti nan ConnectALL pou finanse pwojè wo debi minisipal nan kat kominote nò eta yo -- Vilaj Sherburne nan Konte Chenango, Vil Nichols nan Konte Tioga, Vil Diana nan Konte Lewis ak Vil Pitcairn nan Konte St. Lawrence. Pti Desanm 2023, tout kat pwojè yo te fini, konekte plis pase 3,000 kay ak entènèt gwo vitès nan pri ki pi ba pase mwayèn rejyonal la.

Senatè Kirsten Gillibrand te deklare, "Aksè limite ak yon entènèt a gran vitès ki fyab fè li pi difisil pou timoun yo fè devwa yo, pou granmoun aje yo jwenn aksè ak randevou telesante, ak pou travayè yo pran avantaj opòtinite travay elwaye. Entènèt bon jan kalite se pa yon liks ankò - li se yon nesesite nan lavi chak jou. Envestisman federal sa a pral pote wo debi nan kominote yo atravè New York ki pa gen aksè depi plizyè ane epi amelyore kalite lavi pou fanmi New York yo. Mwen fyè dèské mwen wè kreyasyon nouvo pwogram sibvansyon sa a epi mwen pral kontinye goumen pou resous federal yo fèmen divizyon dijital la yon fwa pou tout."

Reprezant Nydia M. Velázquez, te deklare, "Jodi a, aksè fyab ak wo debi esansyèl pou fanmi New York ki depann sou entènèt pou travay, edikasyon, ak aktivite chak jou. 228 milyon dola nan finansman federal sa a, ki te rann posib gras ak Plan Sekou Ameriken an, ke mwen te fyè pou m te ede l te pase nan Kongrè a, pral pèmèt eta nou an franchi yon gwo etap nan direksyon pou fèmen divizyon dijital la epi asire aksè fyab ak entènèt pou Nouyòkè yo nan kominote ki pa jwen ase sèvis yo. Mwen remèsyé Gouvènè Hochul pou angajman li pou konstwi yon enfrastrikti wo debi ki pi ekitab nan tout New York ak tout lidè ki te ede rann envestisman sa posib."

Reprezantan Brian Higgins te deklare, "Aksè ak entènèt gwo vitès ki fyab pa yon liks ankò, li se yon nesesite. Soti nan edikasyon ak travay adistans rive nan swen sante ak plis ankò, wo debi se yon sèvis publik enpòtan anpil pou tout moun. Gras ak finansman ki soti nan Lwa sou Enfrastrikti Bilateral la, Gouvènè Hochul ap fè envèstisman istorik nan kominote yo atravè eta a k ap fè fas ak pi gwo disparite dijital yo. Sa a se yon etap enpòtan nan fèmen twou vid ki genyen nan aksè pou moun ki gen tout laj la."

Reprezantan Grace Meng, te deklare, "Mwen te goumen depi lontan pou ogmante aksè ak entènèt pou Nouyòkè yo, epi nan Kongrè a, mwen te ede sekirize plis pase 7 milya dola nan Plan Sekou Ameriken pou Fon Koneksyon Ijans lan ki te ranfòse koneksyon plis pou moun atravè eta ak nasyon nou an. 228 milyon sa a, ki soti nan Plan Sekou Ameriken an tou, pral ede plis Nouyòkè ak aksè ak entènèt la, espesyalman nan kominote ki pa gen ase sèvis yo, epi mwen salye finansman sa a tou. Kòm mwen te di, tout moun merite aksè ak wo debi ki fyab, abòdab ak gwo vitès, epi mwen pral kontinye goumen pou plis lajan pou aksè ak entènèt nan New York ak atravè peyi a."

Reprezantan Adriano Espaillat te deklare, "Aksè ak koneksyon Entènèt gwo vitès ki fyab pral gen yon gwo enpak sou kominote vilnerab yo nan distri mwen an ak alantou Eta New York, pou asire fanmi sa yo pa rete dèyè akoz yon divizyon dijital. Mwen te fyè dèské m te rejwenn Senatè Schumer pou m te ede m bay finansman federal enpòtan sa a atravè Plan Sekou Ameriken an epi felisite Gouvènè Hochul pou efò kontinyèl li pou ranfòse sèvis entènèt ak aksè ak plizyè milye kay atravè eta nou an."

Reprezantan Joe Morelle te deklare, "Divizyon dijital la afekte kominote ki majinalize yo yon fason ki pa pwopòsyonèl lè li limite aksè ak resous esansyèl yo epi finalman elaji diferans sosyo ekonomik la. Avèk envestisman sa a nan amelyore enfrastrikti wo debi nou an, nou ka ekipe rejon ki pa jwen ase sèvis nan eta nou an lè nou bay pi gwo opòtinite nan travay ak edikasyon atravè koneksyon. Mwen fyè dèské m te travay ak Senatè Schumer pou bay finansman federal sa a, e mwen rekonesan pou angajman Gouvènè Hochul pran pou kreye yon New York ki pi enklizif ki konekte sou plan dijital."

Reprezantan Ritchie Torres, te deklare, "Aksè ak entènèt wo debi gwo vitèst pa yon liks ankò; li se yon nesesite pou pouswiv ak patisipe nan ekonomi nasyonal ak mondal nou an. Finansman sa a demontre konsekans ki dire lontan Lwa sou Enfrastrikti Bilateral Prezidan Biden lan ak enpòtans pou mete lajan nou kote bouch nou ye. Pandan twò lontan, yo te bliye epi neglige kominote tankou pa m nan lan Bronx. Konekte ak Entènèt la se yon etap enpòtan pandan n ap leve kominote vilnerab yo epi rann règ jwèt la egal pou tout moun."

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Nou angaje nan yon ekonomi enklizif, yon ekonomi ki rann règ jwèt la egal pou tout moun nan Eta New York. Nou ankouraje aplikasyon pou pwogram sa a, ki ak finansman federal adisyonèl sa a pral respekte pwomès aksè ak wo debi abòdab ki bay plizyè milye Nouyòkè ki pa jwenn ase sèvi yo priyorite."

Prezidan ak Direktè Egzekitif Jeneral Otorite Enèji New York la, Justin E. Driscoll, te deklare, "Otorite Enèji a te santi li onore pou mete sistèm transmisyon nou an fonksyon pou de rezon - transmisyon enèji ak aksè ak entènèt. Pèmèt aksè ak entènèt nan zòn riral yo kote founisè komèsyal yo pa t kapab jistifye ekonomik pou fè sa, se te yon defi ki te byen awopriye ak enterè nou paske nou fyè dèské nou bay solisyon ki gen enpak sou Nouyòkè yo. Nou rekonesan dèské nou te gen opòtinite pou devlope fondasyon an pou ede lanse inisyativ eta ConnectALL la ki enpòtan anpil epi pou bay prèv prensip ak posibilité ki pral pèmèt kounye a pi laj ak pi gwo efò ConnectALL sipòte pa nouvo finansman federal sa a."

Inisyativ ConnectALL Gouvènè Hochul la

Gouvènè Hochul te etabli Inisyativ ConnectALL 1 milya dola – pi gwo envestisman New York ki te janm genyen nan aksè ak wo debi – pou fèmen divizyon dijital eta a, transfòme enfrastrikti dijital la, epi asire tout Nouyòkè yo gen aksè ak sèvis entènèt gwo vitès ki fyab ak abòdab. Jiska dat, ConnectALL te sipèvize ak siksè lansman ak aplikasyon plizyè pwogram pou avanse aksè wo debi, tankou:

- **Pwogram Koneksyon Lojman Abòdab la** pou pote nouvo enfrastrikti wo debi nan kay yo nan lojman abòdab ak lojman publik k ap pwofite yon envestisman federal 100 milyon dola nan Fon Pwojè Kapital Depatman Trezò Ameriken an. Pwogram nan ap aksepte kounye a aplikasyon pou founisè sèvis entènèt yo [isit la.](#)
- **Pwogram Deplwaman ConnectALL la** pou finanse founisè sèvis entènèt yo pou yo rive jwenn kote ki pa jwenn sèvis ak kote ki pa jwenn ase sèvis yo, ki soti nan yon alokasyon 664.6 milyon dola nan finansman federal ki soti nan Pwogram Ekite, Aksè ak Deplwaman Wo Debi, jan sa dekri nan [Pwopozisyon Inisyal Deplwaman Wo Debi](#) ConnectALL la ak [Plan Aksyon Senkan an](#)
- **Pwogram Ekite Dijital la** k ap pwofite yon envestisman 50 milyon dola pou ankouraje alfabetizasyon dijital ak lòt baryè ki pa enfrastrikti pou adopsyon ak itilizasyon entènèt, jan sa dekri nan [Plan Ekite Dijital New York la](#)

###

Lòt nouvèl disponib sou sit www.governor.ny.gov

Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)